

武陽志餘

20220.15

31-2

20220.15



光緒戊子季秋

武陽志餘

團練紀實附

武陽志餘序

武陽志餘一編莊陸二君補
新志而作也網羅舊聞採擇
近事徵文攷獻斐然成章其
於地形水利政教興革一紀
與夫賢人君子孝子悌弟士
序一

女貞義之行皆能原之存之
區分紛引信而有徵不特足
補新志之略且以發明舊志
未竟之旨雖名曰志餘實有
以攬正志之全焉夫天下事
亦惟能得其實為足為耳



世固有墨守陳編竊取餘緒
大言欺世假著作以為名者
以視之君之拾遺訂墜者而
弗居其器識之優絀為何
如哉適排印武陽台志舊
本因以是編附諸卷末序
序二

而傳之後之視者其心可得
其用心矣

光緒十三年歲次丁亥夏四
月既望知常州府事長白鄒
卓氏桐澤序



武陽志餘序

志餘一書瀾於排印武陽舊志時序之詳矣茲
復曷序乎爾雖然瀾固有所不能已於言者在也
武陽為常郡首縣南通北達地值其衝咸豐庚
申被兵最酷迄於今克復二十餘年休養生息
漸漬已久而元氣未能大復漸且日即浮靡者
無他文獻失其傳斯民少所取法也莊學博偕
陸明經怒焉憂之深慨夫光緒新志之簡略或
序一

不足備斯民取法之資故是編於庚申之難誌
之特詳他如學校田賦山川文物亦條舉縷晰
搜採無遺原其意無非欲斯民鑒於滄桑變革
而兢兢焉取則乎獻舊典籍務實黜浮一返夫
秀而多文之俗則是書之成匪直足與新志並
行抑所繫於兩邑之民風者亦豈淺鮮哉

光緒丁亥立夏知武進縣事嘉興金吳瀾謹序



志餘序

嘗攷周禮有史官掌邦國四方之志
所以網羅掌故表彰名節維持風
化闡叢幽潛所繫綦重若不詳慎
攷求則記載難免為闕何以信今而
傳後惟賴諸家糾謬補遺之作以
序一

脩採擇焉

準

忝宰苦縣上年秋

仲下車遇邑紳莊君俊甫廣文陸
君彥和明經均擅淹雅之才留心經
世之學出合撰志館一書示予閱
數過見其胸有成竹體例咸宜於
新舊志之闕者補之謬甚訂之斯

酌精當秩然有條良由廣採遺
聞博稽故籍所致迥非任意續增
空言聚訟所可訾者至於文采之
佳猶生餘事固足資重脩之採
納亦多助送政之取裁厥功豈不偉
哉況自兵燹之餘時地變遷文獻湮
序二

替如不及今搜輯益將散佚難徵
蓋是書之亟於告成具見兩君之用
心深且遠也今來索序於予爰題
數語於簡端以誌欣幸云告

光緒十三年歲次丁亥三月

知陽湖縣事蛟川金士準序

國朝自乾嘉以來府廳州縣志爲海內達人所稱誦者如洪
穉存先生涇縣志孫淵如先生三水志陸祁生先生郟城志
董晉卿先生懷遠志董方立先生長安志李申耆先生鳳臺
志皆雅贍有法皆武進陽湖人也

紹元

嘗怪諸先生著述擅

一時而獨於做梓之鄉未能裒集舊聞蔚爲絕作非憾事歟
乾隆間餘姚盧抱經先生主講吾邑龍城書院嘗修府志矣
藁成爲衆口所排不投刻所刻八邑藝文志卽藁中文徵一
類其體例謹嚴固足法也申耆先生修道光志凡例甫創遽
歸道山今武陽合志成於衆手而先生原定目錄

紹元

嘗於

先君子文集中見之固與鳳臺縣志同一精密者也夫二志

志餘

序

一

之作或得其人而不及成或成而不諧俗書以不傳豈非天
事哉光緒五年修新志操翰者莫不攻合志之失及成讀新
志者又皆謾歌舊志迄今八年俊甫莊先生從輿論以次印
行陳氏舊府志李氏合志若干卷復以其暇與陸君彥和輯
志餘十二卷以補新志所闕昔西河毛氏撰蕭山縣志刊誤
僅八十條 四庫提要稱之與明康對山武功志韓五泉朝
邑志皆以精簡著錄 文淵閣是書雖不爲糾謬而作而網
羅散佚其慎其難當亦後來修邑者所不能廢也

光緒歲次丁亥仲秋

武進薛紹元嘉生氏譔

志餘總目

序 凡例 職名

卷首

宸翰

卷一 山川 古蹟 水利

卷二 城垣 驛鋪 衙署 橋關

卷三 學校 書院 善堂公所

卷四 祠廟上 祠廟下 塋墓

卷五 減免 祥異 營制 兵事上 兵事下

卷六 名宦 職官 碑示

志餘

卷七 經籍上 經籍中 經籍下

卷八 甲榜 鄉科 貢生 廕襲

卷九 史傳上 史傳下

卷十 儒林 文學 宦績 忠節 孝友 行誼 隱

逸 藝術 寓賢 方外

卷十一 賢孝 貞孝 節孝 節烈 貞烈附 才媛

卷十二 據遺

跋 書後

志餘凡例二十則

一是書專補新志之闕略前志未備間亦采輯一二爲類四十有二而以

宸翰冠之其沿革風俗物產賦役已詳新舊志者率不著錄新志成於光緒五年迄於今應增者續之非云糾謬聊以補遺兼備後日修志之采不列總目避正志體也至網羅故籍搜採遺聞仍多罅漏則以同志僅一一人局於聞見所冀閱者諒此苦心

一新舊志首紀巡幸凡歷次

論旨及示吏諸詩無不謹錄至

志餘

凡例

變蹕經行所詠及

寵賜郡紳之詩尙有未經全錄者茲恭載簡端以識榮幸

一二邑山水具詳前志無俟綴增方今政要尤重海防次及江防吾郡襟江帶湖港瀆紛錯胥關要隘舊志諸水由源溯委水道甚明茲則詳列諸口首大江次太湖又次瀾湖並載其附近港汊鎮汛里數庶瞭如指掌附以史事留心地利者有可考證焉

一舊志古蹟間有未載在所新志譌闕較多茲博考羣書分鄉載列舊志所載詩文悉皆錄入附以新采蔚爲鉅

觀

一水利所以資農田商楫舊志詳矣茲自同治間起先城後鄉詳其原委而以昔人水利諸說附之以資參印

一城垣倉廩橋梁閘壩新志之略者補之新者增之俾後不致漫無可考

一學校書院宜詳載興復庠序之士尤重植品恭錄

欽定卧碑於學校以資策勵附錄義塾鄉學於書院以期振興

一善堂公所胥關地方善事期於久遠錄其經始之人示勸善也新志概從簡略茲並詳紀俾後可循守而毋廢

一舊志祠廟所收頗廣新志分爲廟祀里祀雜類體例雖

志餘

凡例

二

嚴不免叢碎茲仍舊志分鄉併列詳其修建年月與人附以碑記俾後有可稽

一新志 國朝塋墓除位列正二品者盡削之茲從舊志例增入已見舊志者不載

一同治初減免常鎮漕糧有江蘇減賦全書茲摘其有關吾郡者錄之其歷年豁免災歉民欠分年詳載以紀

殊恩

一祥異有關治化兵制時有變更異者紀之更者補之亦政治之要也

一吾邑素爲忠義之邦宋元之末以及 國朝咸豐庚申

罹禍尤慘宋元則采諸故籍以補舊志之遺庚申則以私家記載之可徵信者附之大事不厭其詳也新志削尹玉傳茲輯入兵事以存忠義庚申團練紀實卷帙較多另列附後

一新志職官不載府職茲自道光二十二年起悉爲補纂以續舊志略仿其例附載事實以示不忘善政李志名宦陳炤傳僅數字新志併其名亦去之茲照宋史忠義傳錄入而以善政諸碑示附後

一前志經籍僅載書目兵後太半缺佚茲首錄

欽定四庫全書提要次及舊志已收或漏未著錄與近今稟

志餘

凡例

三

然成集者撮舉序要間附考證庶未見其書猶得知其得失愈於僅注存佚者已至新舊志所未收與光緒五年以後成書者類多未見故不以四部類編錄別列經籍下俾後之君子得據以攷證第借書匪易里漏猶多此特嚮矢云爾

一舊志選舉詳註所終之官其人存其官先後或異舊志之宜更者摘載之道光二十二年以後全錄之仍用舊志例註某人子孫某科進士以補新志之缺

一前志人物類多正史有傳而志傳反止舉其大要於體非宜茲悉照正史錄入其有私家撰記可補正史之遺

者附載之前志漏未立傳而其人實有可傳者與前志有傳而遺事有不可沒者補之末增以光緒五年以後應行立傳徵諸傳記采諸輿論不參私見惟科目仕途間有事實不詳者采訪未周是在後之君子

一列女有雖見舊志而其事有可驚可泣者補之其續旌者事蹟相同第載其姓氏賢母才媛亦並列焉

一摭遺必本之故籍注其書名間有近事可寓勸懲而師法者注以新志惟詩話一類志家多錄不勝采輯擇其一二有益世道人心者錄之以符體例

一是書之成以窘於費板用活字除鈔胥手民及校對筆

志餘

凡例

四

資外不費錙銖第就采訪所及隨輯隨印定稿太促擺印體例亦多未能畫一誠不免蕪雜罣漏之譏所望博雅之宗有以補正之

武陽志餘編輯職名

鑒定

在任候補道特授常州府知府桐澤

三品銜在任候補知府原任崑山縣調補武進縣知縣金吳瀾

同知銜武進縣知縣朱家壩

同知銜陽湖縣知縣李慶沂

同知銜特授陽湖縣知縣乙丑補行辛酉科並壬戌恩科舉人金士準

參訂

賜進士出身特授常州府學教授沈汝奎

特授常州府學訓導甲子科舉人劉軼羣

志餘

卷一

職名

一

武進縣學教諭孝廉方正封棣

國子監典簿銜特授武進縣學教諭丁卯科舉人何承霖

特授陽湖縣學訓導朱端

監修

賜進士出身布政使銜前湖北鹽法武昌道署浙江按察使記名道盛康

道員用江西候補知府陳增

鹽運使銜前署福建按察使候補道甲辰科舉人劉翊宸

賜進士出身記名道貴州貴陽府知府前翰林院庶吉士惲鴻儀

賜進士出身四品銜前山西道監察御史朱儀訓

三品銜候選道前浙江定海直隸廳同知史致馴

賜進士出身特用知府湖南澧州直隸州知州吳起鳳
二品頂戴前署直隸按察使清河道費學曾
賜進士出身二品銜前署湖北按察使漢黃德道惲彥琦
三品銜前署廣東雷州府候補知府己酉科舉人劉懌
鹽運使銜補用道前湖南辰州府知府劉曾撰
編輯

前署丹陽縣學教諭試用訓導歲貢生莊毓銚
候選教諭恩貢生陸鼎翰

參校

同知銜浙江歸安縣知縣戊午科舉人惲思贊

志餘

卷一

職名

二

二品封知府銜湖北補用直隸州知州史致謨
國子監典籍銜前任蕭縣教諭辛酉科選拔貢生莊嘉淦
賜進士出身同知銜前山東肥城縣知縣卜文煥
賜進士出身同知銜山東泰安縣知縣前翰林院庶吉士吳士愷
揀選知縣丁卯並補行辛酉科舉人莊鼎臣
賜進士出身候補直隸州知州前山西浮山縣知縣李維誠
分輯

廩

貢

生

王銘西

附

貢

生

莊善孫

優

廩

生

薛紹元

廩

貢

生

孫紹甲

採訪

附

貢

生

馮牲

生

員

莊蘊寬

校對

監

生

莊清華

生

員

莊謙吉

志餘

卷一

職名

三

文煥齋韓子餘排印

志餘卷首

宸翰

聖祖仁皇帝御製

自過江至常州府雜詠四首

風平揚子渡舉權過長江暮色林低水晴光月照窗
爨竹爲長綠南方已滿林喬松分路側並作映江潄
夜過丹陽道紅塵不染州氤氳存五內浩氣託經函
延陵曙色闌意與渚田寬人盡農桑力文風表裏觀

賜神駿寺僧紀蔭

檻外青山縱目收繁花初落葉新稠更教點染煙雲色添得
赤餘

卷首

窗前翠欲流

高宗純皇帝御製

白無錫放舟過丹陽駐蹕方瀆橋之作

回鑾將幸徐金陵應必至六朝文物邦訪古吾素志甯無數
日留復恐歸期滯無以每趨程原非爲遊恣今朝遇順風早
停頗無事宣傳駐方瀆一百卅里地毘陵及曲阿瞬息度次
第衆舟多不及中途瞠乎棄乃悟有快心卽有不如意

乾隆壬午

御筆賜安徽學政劉星煒

每讀菁莪什渴然思育賢伊誰與我共造士得卿肩底藉燃